

10.11.2002

19. Mikławšowy turněr	19. Nikolausturnier
Žórło: SN 10.11.2002 Nimo sobudźělačerjow Radworskeho gmejnskeho zarjada wjeseli so předewšěm wjesnjanosta Wincenc Baberška, zo je přetwar stareje šule wotzamknjeny. Mjez druhim maja nětko rjanu posedžensku rumnosć. Nowy wonkowny napohlad je nětko tež Radworska stara šula, w kotrež ma gmejnski zarjad swoje sydło, dóstała, po tym zo su zašće lěta tamnišu nawjes dospołnje přetwarili. Móžna bu tuta twarska naprawa tež přez spěchowanske srědky we wysokosći 75% , kotrež je gmejna prizwolene dóstała. Dohromady su 170 000 eurow do saněrowanja inwestowali a při tym třěchu, wokna, fasadu a durje ponowili. Do třěchi zatwarichu dvě woknje, tak zo změja tam raz městno za gmejnski archiw, kotryž je tuchwilu hišće dosć rozbrojeny. Při wupytanju woknow, durjow a barby za fasadu je architekturny běrow Ehrlich ze serbskim sobudźělačerjom Měrkom Šěrakom wusko z wjesnym planowarjom hromadže džěłał, tak zo so wonkowny napohlad domu derje do wokoliny hodži. Pomjatna tafla za kapłana Alojsa Andrickeho so tuchwilu hišće ponowja a so bórže zaso na zwučene městno wróci. We wobłuku twarskich džěłow so mały přitwark při zadnim zachodže wotstroni, w kotrymž bě tak mjenowany suchi nuznik za wobydlerjow hornjeho poschoda. W bydlenju w hornym poschodže so nowa kupjel a centralne tepjenje zatwarištej. Wobstejace běrowowe rumnosće su tohorunja zdžěla přetwarili a wobnowili. Klětu chcedža hišće schody w domje ponowić a wonka někotre parkowanske městna připrawić.	

From:

<http://82.165.187.122/> - Radibor - Chronik

Permanent link:

http://82.165.187.122/doku.php?id=10.11.2002_sanierung_gemeindeamt&rev=1687447851

Last update: 2023/06/22 15:30

